

症因脈治

證因脈治目錄

卷四

瘧疾

痢疾

泄瀉

霍亂

腹痛

小便不利

大便不通

症因脉治卷之四

雲間秦昌遇景明甫纂著

從孫

之楨皇士甫輯

男

堂周明甫

全較

反門

衛

瑄式九甫

唐

鏐舒霞甫

雯紋石甫

同學

顧昌朝珮聲甫

施

黻葆文甫叅訂

施

霖宇瞻甫

鎬象三甫

瘧疾摠論

秦子曰。瘧疾者。先寒後熱。發作有定期。大約巳午未三時者多。若一日一作。太陽少陽也。間日而作。陽明

少陽也。伸欠惡寒。頭痛。太陽也。發熱口渴。陽明也。有寒有熱。嘔而口苦。少陽也。日中三陽得令。其病即發。日夕三陽時令退而病解。不比寒熱往來。時寒時熱。一日二三次發。亦不比暑熱之症。熱無停止。按內經。但有巨陽陽明二經。而不及少陽。然有寒有熱。乃是少陽所主。余故補註少陽之脉。少陽之治也。以上三陽經瘧易愈。若三日一發。名曰三陰經瘧。難愈。今分別外感八條。內傷三條。又三瘧三條。遊瘧一條。

外感瘧疾

寒瘧 風瘧 陽明瘧 濕瘧
肺熱瘧 腎瘧 風發瘧 瘴瘧

○寒瘧

內經寒營名寒瘧

寒瘧之症。內經云。先寒後熱。腰背頭項痛。脊脊強。呵欠呻吟。始則寒極而戰動。終則大熱而汗解。發在午前者。此太陽經瘧。若目痛鼻乾。寒慄鼓頷。晷寒卽熱。發在午後者。此陽明經瘧。以上二條。乃內經寒邪傷營。名寒瘧之症也。

寒瘧之因。夏傷暑熱之氣。入于皮膚之內。腸胃之外。營氣所舍之處。又值早晚寒冷之邪。外束暑熱。至日中陽旺之時。發泄不出。後感寒邪近表。是以先寒。先感暑熱在裏。是以後熱。此先寒後熱之瘧作矣。

寒瘧之脉。浮大而緊。太陽之邪。長大洪實。陽明之瘧。
弦大之脉。少陽之診。

寒瘧之治。在太陽者。桂枝羌活湯。在陽明者。桂枝葛
根湯。在少陽者。桂枝柴胡湯。三經俱見症者。三方
互用。

桂枝羌活湯 治寒傷太陽。寒多熱少。無汗寒瘧。

桂枝 羌活 防風 甘草

吐者加半曲 夏秋口渴引飲加石膏

桂枝葛根湯 治寒傷陽明。寒多熱少。有汗之瘧。

葛根 芍藥 桂枝 生姜 甘草

無汗加防風 頭痛加羌活 夏秋口渴消水加

石膏

桂枝柴胡湯 治寒傷少陽。寒多熱少之瘧。

桂枝 柴胡

槓按前三方。因寒傷之瘧。寒多熱少。故皆用桂枝。原文曰。夏秋熱令。必加石膏。可見熱多寒少。脈數口渴者。切不可悞用矣。

○風傷衛瘧 內經亦名溫瘧

風瘧之症。內經云。風傷衛氣。先熱後寒。此言先後者。言多少也。言熱多寒少之瘧。是以不曰惡寒。而曰

惡風自汗煩躁伸欠也。不惡寒則寒少也。發熱直至煩躁熱多也。若頭痛背痛發於午前者太陽也。目痛鼻乾發於午後者陽明也。發於寅卯者少陽也。

風瘧之因。內經云暑邪既伏。秋氣收之。汗出遇風。與衛氣并居。陰陽分爭。內外相搏。而風邪傷衛之瘧作矣。

風瘧之脉。左脉浮緩。太陽瘧也。右脉洪長。陽明瘧也。左右皆弦。少陽瘧也。

風瘧之治。瘧在太陽有汗。桂枝石膏湯。在陽明。白芷

石羔湯。在少陽。小柴胡湯。三陽俱見症者。準繩和解湯。

桂枝石羔湯

桂枝 知母 石羔 黃芩

無汗加防風 身痛加羌活柴胡

白芷石羔湯 治陽明經溫瘧。

白芷 石羔 知母 家秘以升麻葛根易白芷

惡寒加桂枝 無汗加防風柴胡 身痛加羌活

獨活

小柴胡湯

柴胡 黃芩 廣皮 半夏 甘草 人參

準繩和解湯 治三陽經寒熱之瘧。

柴胡 升麻 葛根 羌活 知母 石膏

黃芩 猪苓 山甲 甘草 廣皮 防風

此方用表藥五味。升散表邪。使鬱熱外發。而惡寒自已。用寒藥三味。以清裏。使裏熱得清。而發熱自退。用猪苓分別陰陽。穿山甲以通經絡。廣皮甘草二味。助胃氣。升降諸藥。真良方也。

楨按前二方。因熱多寒少之溫瘧。故以知母石膏黃芩互用。若寒多則涼藥不可用矣。其後和解湯。

乃和解三陽之瘧也。仲景治傷寒熱病。表症多者。用辛溫散表。裏熱多者。用寒涼清裏。若表裏俱見症者。用一半散表。一半清裏。以雙解之。若痰凝食滯者。兼用化痰消滯之藥。可見治傷寒如是。治瘧疾外感症。皆如是也。

○陽明瘧瘧

內經名瘧瘧

仲景名溫瘧

瘧瘧之症。但熱不寒。少氣煩冤。手足熱而欲吐嘔。面赤口渴。雖熱已而六脉仍數大者。內經名熱傷陽明瘧瘧之症。仲景發明內經陽明瘧瘧。則曰身無寒。骨節疼痛。煩冤時嘔。更其名曰溫瘧是也。

痺瘧之因。夏秋暑熱之令。熱氣傷人。內經云。陰氣先絕。陽氣獨發。此暑熱傷于陽經。陽獨用事。毫無陰寒。故名曰痺熱瘧也。

痺瘧之脉。六脉弦數。少陽有熱。若見洪長。陽明有邪。若見沉數。裏有熱結。

痺瘧之治。仲景以脉平者。用白虎加桂枝湯。治太陽陽明。家秘用桂枝黃芩湯。兼治少陽陽明。準繩于風邪瘧中。補出三陽和解湯。余于痺瘧中。亦補立三陽和解法也。

白虎加桂枝湯。治但熱無寒。骨節疼痛。時嘔之瘧。

知母 甘草 石羔 粳米 桂枝

桂枝黃芩湯

柴胡 黃芩 人參 甘草 半夏 石羔

知母 桂枝 廣皮 南方熱令多用羌活以易

桂枝

按此二方。以但熱。故用知母石羔。以骨節煩疼。不得不用桂枝和營衛。通其表裏。此治陽明經之瘧。又借太陽經之桂枝。以治骨節煩疼。以桂枝與石羔同用。則桂枝籍石羔之涼。不碍裏熱。石羔籍桂枝之辛溫。亦不碍表寒矣。

○濕瘧 卽暑瘧

濕熱瘧之症。身體重痛。肢節煩疼。嘔逆脹滿。胸膈不舒。此濕熱瘧之症也。

濕熱瘧之因。內經云。因得秋氣。汗出遇風。及得之以浴。水氣舍于皮膚之內。與衛氣并居。衛氣者。晝日行於陽。夜行於陰。此氣得陽而外出。得陰而內薄。內外相薄。則瘧日作。

濕熱瘧之脉。若見浮緊。表有寒濕。若見浮緩。乃是風濕。若見弦數。濕而兼熱。

濕熱瘧之治。內經有其論。仲景無其方。積意身體重

痛。肢節煩疼。脉浮緊者。羌活敗毒散。右脉弦長。嘔逆胸滿者。柴葛平胃散。六脉洪數濕熱者。加味香茹飲調益元散。

羌活敗毒散 治濕癰表邪多有者。

羌活 獨活 柴胡 前胡 川芎 桔梗

枳殼 廣皮 甘草

柴葛平胃散 治濕癰胸次不平者。

蒼朮 厚朴 廣皮 甘草 柴胡 乾葛

頭痛身痛加羌活 無汗加防風

加味香薷飲 治暑濕之瘧。

香薷 厚朴 篇芫 甘草 川黃連

○肺熱痺瘧

肺熱痺瘧之症。發則陽氣盛而不寒。故但熱而不寒。令人消燂脫肉。此內經肺素有熱之痺瘧症也。

肺熱痺瘧之因。內經云。肺素有熱。熱盛於身。因有所用力。腠理開泄。風寒舍於皮膚之內。肉分之間。邪盛於陽。不涉於陰。則但熱不寒。而肺熱痺瘧之症作矣。

肺熱痺瘧之脉。寸口洪而數。洪則主陽。數則主熱。陽熱爲患。火來乘金。陰虛陽亢。消燂脫肉。則發痺瘧。

肺熱癰瘡之治。古人有論無方。楨意用防風瀉白散。以散舍於皮膚之風寒。用石羔瀉白散。以治肺素有熱。用涼八味丸。滋陰清肺。以治陰虛陽亢。消爍脫肉。

防風瀉白散。治風寒舍於皮毛。外束肺熱。

卽瀉白散加防風

石羔瀉白散。治肺素有熱。熱盛於身。

卽瀉白散加石羔

涼八味丸。治陽亢陰虛。消爍脫肉。

卽六味地黃丸加知母黃柏